



# mjesečni Bilten

omladinska mreža bosne i hercegovine



Mart  
Ožujak  
2021

262

## Dragi prijatelji/ce,

Predstavljamo vam **martovsko** izdanje (**262.**) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u martu.....	2
Planovi za april .....	6
Aktivnosti članova mreže.....	7
Saopštenja/informacije/donatori/pozivi .....	16

Uživajte u čitanju!

## AKTIVNOSTI ORC/HCA U MARTU 2021.

### Zapadni Balkan za promjene

U okviru projekta „Zapadni Balkan za promjene“, kojeg provodi Centar za postkonfliktna istraživanja (CPI), omladinski lideri iz cijele BiH su radili na stvaranju kampanja za društvene mreže u nastojanju da promovišu mir i međukulturalno razumijevanje, te podignu svijest o važnim temama koje utiču na njihove zajednice i rad.

U petak 26.03.2021. godine, tokom ceremonije u Sarajevu, CPI je zajedno sa partnerima iz Međunarodne organizacije za migracije u BiH dodijelio nagrade pobjedničkim timovima čije su kampanje zajednički dosegle preko 130 hiljada ljudi u manje od mjesec dana promocije.

Omladinski Resursni Centar je na ovoj ceremoniji zauzeo treće mjesto a nagradu i ime ORC-a preuzeo je Malik Sakić.



### CAT Bosna i Hercegovina



Tokom mjeseca marta, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).

### Tuzla Brain Week

29.03.2021. godine svečano je otvoren osmi po redu Tuzla Brain Week u kongresnoj sali Hotela Tuzla. Tuzla Brain Week tradicionalni je projekt koji već godinama provodi Vijeće studenata Medicinskog fakulteta u Tuzli „MEDICUS“, a stvoren je po ideji studenata voljnih da rade na promociji neuroznanosti.



Projekt se održava u okviru inicijative „Brain Awareness Week“ svakog marta tokom od 2014. godine, a podržavaju ga DANA i FENS kao jedini projekat ove vrste u Bosni i Hercegovini.

Moderiranje i otvaranje svečane ceremonije Tuzla Brain Weeka pripalo je Maliku Sakiću iz Omladinskog Resursnog Centra, Maliku i CAT BiH projektu ovom prilikom je uručena zahvalnica za značajan doprinos u uspješnoj implementaciji Tuzla Brain Week-a 2021. godine.

## Podcast MeetUp – Helem Nejse

Podcast je u posljednje vrijeme sve popularniji u Bosni i Hercegovini. Mladi iz svih dijelova naše zemlje prate domaće ali i regionalne podcast emisije i nerijetko se i sami odluče za pokretanje podcasta. Popularizaciji ovog formata u BiH uveliko su doprinijeli i Čika Gagara, Stihomir Klepić i Toši Domaćin, članovi sarajevskog benda **Helem Nejse** koji, kreirajući različite multimedijalne sadržaje, pomjeraju granice, a koji su, baš zato, bili i gosti #02 Zenica Podcast MeetUp-a.



Sa mladima iz Zenice ali i drugih bh. gradova koji su zainteresovani za ovu formu, na drugom Podcast MeetUp-u razgovarali su o svojoj emisiji Rejdio Šou, te o tome kako dobru ideju pretočiti u djelo.

„Teško je reći kako napraviti dobru priču jer to ni mi baš ne znamo ali ono što je sigurno bio fokus naše priče je to da kada imate neku ideju i volju za rad i kada nešto želite, da budete istrajni i da nikada ne odustajete“ – istakao je Stihomir Klepić iz Helem Nejse.

## Omladinska grupa ORC Tuzla

Na sastanku omladinske grupe razgovarali smo o predstojećim aktivnostima i važnim datumima koje ćemo zajedno obilježiti. Prvi od tih datuma jeste **02. april** - *Svjetski dan autizma* koji planiramo simbolično obilježiti prodavajući različite pari čarapa nakon čega bismo od donacije posjetili djecu sa autizmom i uručili im simboličan poklon i pažnju.

Nakon *Svjetskog dana autizma* planirano je učestvovanje na ekološkoj akciji Paučkog jezera na Konjuhu **10. aprila** koji organizuje Rafting klub „Tuzlak”.

Razgovarali smo o saradnji sa Koalicijom za borbu protiv mržnje i zajedničke aktivnosti i podršku. Također o implementaciji budućeg projekta koji bi sproveli, a čiji je fokus na mentalnom zdravlju i umjetnosti - „*Ako sa riječima znaš - one mogu biti spas..*”



## PodPatrola – Ankete Tuzla

Šta građani Tuzle misle o Srbima, Hrvatima i Bošnjacima? Mali predljivi nacionalgrebci vam donose najnovije informacije! [VIDEO](#)



Pitali smo građane/ke Tuzle ko je odgovoran što u BiH još uvijek nema vakcina? [VIDEO](#)



## Prvo Internacionalno piano takmičenje „Sergei Rachmaninoff“

Prof. mr **Monika Tadić** i prof. **Džan Dervišević**, u partnerstvu sa **Omladinskim Resursnim Centrom (ORC) Tuzla**, a u okviru dodatnih aktivnosti **ALF Mreže BiH**, tokom maja organizuju Prvo internacionalno online piano takmičenje „**Sergei Rachmaninoff**“. Takmičenje je javna muzičko-pedagoška manifestacija u kojoj učestvuju redovni i vandredni učenici osnovnih, srednjih škola ili srodnih muzičkih institucija.

Takmičenje se održava online između 24-28. maja 2021. godine, prijave su do 20. Maja 2021. Takmičenje se izvodi na klavir solo i klavir duo (kao i četveroručno). Kotizacije / donacije učesnika za sve kategorije su 20 €.

**Pobjednik „Laureat“ svake kategorije pored diplome dobija i zlatnu medalju.**

**Posebna novčana nagrada za odsvirano djelo S. Rachmaninoffa u kategoriji Baby kategoriji od A do F (osnovna škola) i u kategoriji G i H (srednja škola).**

**Svi učesnici i njihovi profesori dobijaju diplome u elektronskoj formi.**

INTERNATIONAL ONLINE PIANO COMPETITION



**SERGEI RACHMANINOFF**

24-28.05.2021.

ZIRI/JURY

ISTVAN I SZEKELY  
(SPAIN/HUNGARY)



MARILJA MAKSIMOVA  
(NORTH MACEDONIA)



MARGARITA VUJOVIĆ  
(RUSSIA/SERBIA)



Competition organizers  
Prof. mr Monika Tadić &  
Prof. Džan Dervišević



Ana Lind Fondacija  
Bosanskohercegovačka mreža

**DEADLINE 20 MAY**

Contact:

[www.pianobih.com](http://www.pianobih.com) Bosnia and Herzegovina



## Žiri

Žiri sačinjavaju Internacionalni eminentni profesori koji ujedno učestvuju i na drugim Internacionalnim takmičenjima širom svijeta:

**István I Székeli – Španija / Mađarska**

**Marija Maksimova - Makedonija**

**Margarita Vujović – Rusija / Srbija**

Takmičenje će biti održano u okviru **ALF Virtual Marathon for Dialogue in the EuroMED**

Krajnji rok za vaše prijave i slanje radova je **20. Maj 2021.** godine.

Više informacija o samom takmičenju, kategorijama, bodovanju, kao i samu prijavu možete naći na web stranici: <https://pianobih.com>

## REDOVNE AKTIVNOSTI ORC I HCA TUZLA

Tokom marta radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net), [alfbih@googlegroups.com](mailto:alfbih@googlegroups.com)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

## PLANOVI HCA/ORC-A ZA APRIL 2021.

- Počeli smo sa aktivnostima u novom ciklusu CAT - Expanding the Media Toolbox. U okviru ovoga ćemo emitovati dokumentarni film „Efendijin zavjet“, u saradnji sa **Međureligijskim vijećem BiH**, početi sa realizacijom II „Digitalne akademije“ sa mladima iz BiH, nastaviti serijal „Mačke u lokalnoj zajednici u saradnji sa RTV7 Tuzla, nastaviti snimanje „PodCat-a sa Malikom, ovoga puta sa mladim vijećnicima i odbornicima širom Bosne i Hercegovine, u saradnji sa [Fondacija Boris Divković](#). Snimiti 50 emisija "CATPatrole", koje će se tokom ljeta emitovati na jednoj od televizija sa nacionalnom frekvencijom u saradnji sa [FIST Production Sarajevo.](#), Kontinuirano nastaviti sa online kampanjom (Vijesti i prilike za mlade, poruke i glasovi mladih, video, foto, meme sadržaj), Realizovati 20 pub kvizova širom Bosne i Hercegovine na temu aktivizma, izgradnje mira i povjerenja, političke i medijske pismenosti u saradnji sa našim partnerima, Proširiti CAT BiH tim sa mladima iz Omladinske grupe ORC Tuzla
- Nastavak aktivnosti u okviru ALF Mreže BiH. U okviru ovoga ćemo u narednom periodu organizovati Prvo internacionalno online piano takmičenje „**Sergei Rachmaninoff**, a u okviru **ALF Virtual Marathon for Dialogue in the EuroMED**, krajem aprila organizovati međunarodnu on-line debatu za Organizacije Civilnog društva sa temom „**Kako djelovati u okviru krizne suticije uzrokovane pandemijom COVID-a**“. O ovome ćemo vas obavijestiti u skorije vrijeme
- Nastavak aktivnosti u okviru partnerskog projekta „Youth Rule o Law LAV (YroLL), čiji je nosilac Udruženje „Ja BiH u EU“ iz Sarajeva, a podržan je od strane Evropske unije. Projekat će trajati 30 mjeseci. O aktivnostima ćemo vas informisati na našim glasilima.
- Nastavak rada na fundraisingu.
- I, ako Bogda početak realizacije rekonstrukcije tavana iznad naših kancelarija, koji smo dobili od grada Tuzla na korištenje, te otvaranje **Centra Aktivista Tuzle**.  
***Ovom prilikom pozivamo sve koji poznaju organizaciju, donatora, pojedinca ili sl. koji nam može pomoći u rekonstrukciji tavana, da nam jave. Hvala!***

## AKTIVNOSTI ČLANICA OMLADINSKE MREŽE BiH



**Regionalno udruženje distrofičara Doboja**

Svetog Save bb, 74000 Doboja

Tel: 053 221 630

e-mail: nadastuhli@gmail.com

### Mozzart donirao mašinu štampariji distrofičara iz Doboja

Regionalno udruženje distrofičara Doboja već nekoliko godina vodi sopstveno preduzeće u kojem su zaposleni, mahom, njihovi članovi.

Radom u štampariji trude se pomognu članovima koji su oboljeli od mišićne distrofije. Prije sedam godina cijelo preduzeće uništile su poplave, ali su, uz pomoć donatora, uspjeli da nastave s radom. Nedavno im se pokvarila mašina koja im je osnovno sredstvo za rad, pa je kompanija Mozzart odlučila da im donira novu.

Zahvalni smo Mozzartu na ovoj donaciji, koja je omogućila da naš kolega sa invaliditetom ostane na tom radnom mjestu. Podrška štampariji distrofičara Doboja DMP, koje zapošljava lica sa invaliditetom, izuzetno je značajna za održivost procesa rada. „Epson“ ploter, koji smo dobili, omogućava nam pružanje kvalitetnih i brzih usluga čime smo konkurentniji na tržištu i zbog čega smo veoma zahvalni Mozzartu – kaže direktorka štamparije DMP Doboja, Nada Stuhli.



Ova štamparija, koji radi pri Regionalnom udruženju distrofičara Doboja, trenutno zapošljava osam osoba, od kojih je petoro sa invaliditetom. Donacija „Epson“ plotera im je, kažu, posebno značajna jer na toj mašini mogu da rade oboljeli od mišićne distrofije.

Još su u našem društvu velike predrasude kada se govori o licima sa invaliditetom, a posebno kao o radnoj snazi. Međutim, ako stvorimo preduslove za njihova radna mjesta, oni mogu da rade za mašinama koje su im prilagođene i da budu veoma kvalitetni radnici. Mnogo znači kada živite od svog rada i ne zavisite od nekog drugog. Od štamparije finansiramo rad našeg udruženja, plaćamo personalnog asistenta, a sav profit, koji eventualno zaradimo, namijenjen je našim članovima koji su oboljeli od mišićne distrofije – dodaje Stuhli.

Uprkos teškim trenucima u prošlosti, ovo udruženje nije odustajalo od svoje mislije. Naime, velike poplave 2014. godine uništile su im sve mašine i prostor za rad. Zahvaljujući donacijama iz Italije i Njemačke uspjeli su da nastave s radom, a nova mašina samo im je dodatni vjetar u leđa.

Nove izazove donijela im je i pandemija virusa korona, pa se trude da ugovore nove štamparske poslove. Bitno im je, kažu, da zahvaljujući Mozzartu, sada imaju na čemu da rade.

Zaista je lijepo čuti koliko se članovi Regionalnog udruženja distrofičara trude kako bi bili samoodrživi i da ne odustaju uprkos brojnim poteškoćama. Drago nam je što će im mašina, koju smo im donirali, pomoći u daljem radu i što smo tim gestom pomogli da sačuvaju jedno radno mjesto – kaže rukovodilac Direkcije korporativnih poslova Mozzarta, Selma Salkanović.



## Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

### „ART WEEK“ – Sedmica umjetnosti

UG „C.E.Z.A.R.“ je organizovalo prvi srbački ART WEEK – sedmicu umjetnosti koja je okupila mnoštvo djece i mladih na jednom mjestu. Manifestacija je imala za cilj promociju mladih talenata sa područja opštine Srbač, a inicijativa je nastala iz želje da se ispita zainteresovanost mladih iz Srpcra za polje umjetnosti. Art week se odvijao u sklopu projekta „Kreativni avgust za sve“ koji realizuje organizacija „Zdravo da ste“ iz Banja Luke.

U okviru ART WEEK-a održan je niz aktivnosti i radionica:

1. „Fotografija u pokretu“ – kratki kurs fotografije koji je održan na Bardači, a voditelji aktivnosti su bili volonteri Udruženja koji se bave fotografijom i posjeduju znanje i značajno iskustvo da budu edukatori;
2. „Literani konkurs“ na temu „Vršnjačko nasilje“ – najbolji rad je nagrađen;
3. „Muzička vježbaonica“ – mladi muzičari su imali priliku da vježbaju u prostorijama Udruženja u okviru ove aktivnosti;
4. „Mala likovna kolonija“ je trajala dva dana, a vodila ju je djevojka koja je po struci diplomirani grafički dizajner. Mladi su imali priliku da platna uslikaju po slobodnoj želji, a tokom kolonije nastalo je mnoštvo umjetničkih djela. Aktivnost je okupila preko 20 učesnika, uzrasta 5 do 20 godina;
5. „Rukotvornica“ - mali sajam kreativnih radionica, na kojem su učesnici imali priliku da izrađuju nakit i ukrađavaju vez. Takođe, u okviru rukotvornice održana je i radionica ukrađavanja medenjaka. Na završnom događaju predstavljeno je sve ono što su djeca i mladi vrijedno radili tokom sedmice. Uz prodajnu izložbu fotografija, razglednica, nakita, kreativnih radova, veza i medenjaka, upriličen je kratki kulturno-zabavni program.



Art week je podržan od strane organizacija BHRI, IOM Bosnia and Herzegovina i USAID Bosnia and Herzegovina.



## Početak redovnih aktivnosti



Februar je bio rezervisan za upis u novi ciklus aktivnosti, a sa radom se počelo u martu, izuzev aktivnosti kojima je trenutno zabranjen rad odlukom Republičkog kriznog štaba. Pored redovnih, u ponudi su tri nove aktivnosti:

- Cezarovi istraživači – aktivnost za djecu od 6 do 12 godina, u kojoj će se mladi istraživači upoznati sa svijetom prirodnih nauka;
- Školica sporta – za djecu od 5 do 10 godina koja će imati priliku da uživaju u mnogim zanimljivim sportskim poligonima i takmičenjima;
- Orientalni ples – još jedna nova aktivnost, za djecu od 7 do 13 godina, a koja je naslijedila ples.

## Projekat „Zaposli srednjoškolca

Zvanično je počela realizacija projekta „Zaposli srednjoškolca“ koji Udruženje građana sprovodi uz finansijsku podršku Ministarstva porodice, omladine i sporta Republike Srpske. Iako je prvobitno planirano da u program bude uključeno 10 srednjoškolaca, zbog velike zainteresovanosti odlučili smo da čak 20 srednjoškolaca dobije priliku za prvim radnim angažmanom u trajanju od mjesec dana, a čije su prijave bile najbolje rangirane. Odlasku na posao, prethodila je početna obuka, kao vid pripreme za odlazak na prvo radno mjesto. Obuku je držala Milanka Šnjegota-Srdić, šef Biroa za zapošljavanje Srbac.



## Značaj neformalnog obrazovanja u očuvanju: Evropska divlja mačka (Felis silvestris) kao primjer vrste

U toku je realizacija projekta „The Importance of Non-Formal Education in Conservation: The European Wildcat (Felis silvestris) as an Example Species“, koji finansira „The Rufford Foundation“ iz Velike Britanije. Projekat će da ukaže na značaj neformalnog obrazovanja u očuvanju, a evropska divlja mačka će biti primjer. Pokazaće kako neformalno obrazovanje različitih kategorija npr. djeca u vrtićima, učenici osnovnih i srednjih škola i druge kategorije zajednice mogu imati značajan doprinos u očuvanju ove vrste, koja je ugrožena širom Evrope, a kod nas se smatra predatorom, sa legalnim lovom tokom cijele godine.

Projektni tim – članovi Udruženja su nekoliko puta izašli na teren prikupljajući materijal (sa kamera koje su postavljene na nekoliko lokaliteta), te snimajući odabrane lokalitete. Takođe, održano je nekoliko radionica sa djecom.



Institut za  
razvoj mladih KULT



Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: [kult@mladi.org](mailto:kult@mladi.org), web:  
[www.mladi.org](http://www.mladi.org)

## Poboljšanja ljudskih prava u bh. Privrednom sektoru

Institut za razvoj mladih KULT, uz finansijsku podršku Evropske unije, organizirao je online događaj „Kafa sa... američkom organizacijom KABOOM!“ na temu korporativnog volontiranja. Razgovaralo se o njegovom značaju, sličnostima i razlikama u Bosni i Hercegovini i Sjedinjenim Američkim Državama.

Gošća „Kafe sa...“ bila je Sarah Pinsky, viša savjetnica za partnerski angažman u organizaciji KABOOM!, organizaciji koja se u SAD udružila s partnerima kako bi izgradili ili poboljšali prostore za igru i donijeli radost za nekoliko milijuna djece, a sve kroz korporativno volontiranje.



„Kafa sa...“ okupila je više od 30 učesnika iz Bosne i Hercegovine i potaknula je diskusiju, razmjenu mišljenja i vlastitih iskustava u oblasti korporativnog volontiranja. Jedna od učesnica bila je i Azra Selimović, uposlenica Agencije BORAM iz Sarajeva: „Mislim da je korporativno volontiranje korisno ne samo zbog ugleda kompanije, već i zbog stvaranja povoljnog okruženja, kako bi cijela zajednica napredovala, a onda i mi zajedno sa njom. Uvjerena sam da je ovo

pravi momenat aktualiziranja ove teme, s obzirom na pandemiju i tešku ekonomsku situaciju u Bosni i Hercegovini i da nam je sada najviše potrebno da kompanije koje dobro posluju podržavaju ove druge, jer smo svjedoci svakodnevnih otkaza, gašenja firmi i sve većeg siromaštva u našoj zemlji i ljudi koji su na margini društva. Potrebno je i više komunikacije o ovoj temi, jer koliko sam primijetila osim sporadičnih projekata, o ovoj temi se veoma malo govori u medijima.“

Institut za razvoj mladih KULT u saradnji sa Udruženjem poslodavaca u FBiH i uz finansijsku podršku Evropske unije provodi inicijativu „Poboljšanje ljudskih prava u privrednom sektoru“ u okviru koje se pruža systemska podrška korporativnom volontiranju i preduzećima, ali i udruženjima iz Bosne i Hercegovine. Prednosti koje pruža korporativno volontiranje dostupne su na ovom linku.

## Ilidža dobila svoju prvu sigurnu mapu

Općina Ilidža dobila je svoju prvu sigurnu mapu. SafeMap Ilidža rezultat je rada osamnaestogodišnje Emine Zolote, studentice Elektrotehničkog fakulteta Univerziteta u Sarajevu i polaznice petnaeste generacije Uči, Misli i Djeluj! obuke za omladinske lidere/ice (UMiD). Ova mlada djevojka svoju lokalnu građansku inicijativu (LGI) usmjerila je na pitanje sigurnosti, a web stranica i sigurna mapa nastala je kroz besplatne radionice iz osnova programiranja koje je Emina organizirala za svoje vršnjake u Obrazovno – rasonodnom centru za mlade Spjalica.

„Period provođenja lokalne građanske inicijative za mene je bio jako značajan. Priznajem da je bilo dosta izazova, pogotovo kada je u pitanje planiranje budžeta i kada se dese neplanirani troškovi, ali sam iz ovog procesa zaista mnogo naučila. Od razvijanja ideje i pisanja projekta, planiranja samih aktivnosti

projekta, budžeta, do nepredviđenih situacija i razmišljanja o planu B, C... Iako je zaista lijep osjećaj na kraju vidjeti proizvod svoga rada, mislim da još uvijek nisam ni svjesna koliko mi je provedba lokalne građanske inicijative unaprijedila vještine.“

SafeMap Ilidža dostupna je javnosti na linku [www.safemap.ba](http://www.safemap.ba). Mapa objedinjuje podatke prikupljene direktno od nadležnih institucija, ali i podatke prikupljene od građana i građanki koji mogu putem web stranice prijaviti napade i označiti lokaciju na kojoj se napad desio.

Lokalna građanska inicijativa SafeMap Ilidža realizirana je u okviru petnaeste generacije Uči, Misli i Djeluj! obuke za omladinske lidere/ice koju organizira i provodi Institut za razvoj mladih KULT uz podršku Ambasade Kraljevine Švedske u Bosni i Hercegovini.



179  
Fist bump



31  
Ispran pas



332  
Pothojstvo



94  
Kradu automobila

## Povezivanje Omladinskih centara u BiH

Institut za razvoj mladih KULT, PRONI Centar za omladinski razvoj, Centar za edukaciju mladih i Perpetuum Mobile su započeli zajedničku inicijativu kroz koju će raditi na razumijevanju rada i uvjeta rada centara za mlade u Bosni i Hercegovini. Kroz projekt Povezivanje omladinskih centara u BiH partnerske organizacije će provesti početno istraživanje o radu, uvjetima rada i kapacitetima centara za mlade u Bosni i Hercegovini.



Ovaj pregled stanja u prostorima za mlade, omladinskim centrima i centrima za mlade u Bosni i Hercegovini će cijelom omladinskom sektoru, mladima i relevantnim institucijama dati bolje razumijevanje rada i organizacije prostora u kojima se provide različite aktivnosti za mlade u lokalnoj zajednici.

Omladinski centri su prepoznati samo u Zakonu o omladinskom organizovanju Republike Srpske i to omladinski centar je pristupačan i prilagođen prostor za mlade u kojem se mladima u kontinuitetu pružaju

aktivnosti i programi zasnovani na metodama i principima neformalnog obrazovanja sa ciljem razvoja mladih u svjesne, odgovorne članove zajednice i stvaranja uslova za ostvarivanje njihovih punih potencijala. (Službeni glasnik 1/12 od 5. januara 2012. godine)

U 2011. godini Perpetuum mobile je proveo prvo istraživanje omladinskih centara u BiH – Omladinski centri – nosioci omladinskog rada u cilju sagledavanja situacije u vezi sa pitanjem forme omladinskih centara, kapaciteta, statusa i utjecaja. Istraživanje je obuhvatilo 27 omladinska centra iz 26 lokalnih zajednica.

Kroz projekt "Povezivanje omladinskih centara u BiH" partnerske organizacije imaju namjeru razumjeti rad omladinskih centara u cijeloj Bosni i Hercegovini, te prikupiti primjere dobre prakse i pokazati na koji način upravo omladinski centri, centri za mlade i prostori za mlade igraju ulogu u prepoznavanju i ostvarivanju punih potencijala mladih u jednoj lokalnoj zajednici.

Sastanak je održan 9.3.2021. u Centru za edukaciju mladih u Travniku, kao jednom od primjera centara za mlade u BiH.

**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: [svitac@gmail.net](mailto:svitac@gmail.net)Web: [www.svitac.org](http://www.svitac.org)FB: [www.facebook.com/omladinska.svitac](https://www.facebook.com/omladinska.svitac)

## Dnevne radionice



Omladinska organizacija Svitac je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su radili: robota Wollea (robot koji se brine o svojoj okolini i koji je ekološki osviješten), radni list o oralnoj higijeni, male i velike avione od drvenih štapića u boji i običnih listova papira. Gledali smo video projekcije priča i bajki, te crtane filmove sa porukama o prijateljstvu, empatiji i ljubavi prema

porodici (Futuristički crtani film 'Lav', CGI animaciju za djecu o radu unutarnjih organa), te smo slušali dječije priče (story telling), koje nam je pripremio naš volonter Mehmet iz Turske. On je takođe učesnicima pokazao par riječi na znakovnom jeziku. Nastavili su sa azbukom i do sada su naučili pisati slova Ф, X, Ц, Ч i riječi koje počinju tim slovima, te su crtali pojmove koji počinju na određeno slovo. Na muzičkim radionicama su pažnju posvetili pjesmi „Budućnost“, koja se sastoji od dvije strofe i šalje pozitivnu poruku o planeti Zemlji, „Žuta kuća“ i „Let, let bubamaro“. Učili su tekst i pripremali se za snimanje videa na kraju mjeseca. Na radionicama engleskog jezika su učili futurističke uređaje, kako dati smjernice (lijevo, desno, naprijed, nazad i stop), dijelove tijela, hranu/pribor za hranu i razlike među ljudima (boja kože, oblik tijela), te imaginarna putovanja vozom, avionom, brodom. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Uzrast 13+ je učestvovao u online radionicama na teme: socijalna pravda, solidarnost i ljudska prava, te da li smatraju da u BiH svi građani uživaju jednaka socijalna prava. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama smo posvetili pažnju gramatici (veznik 'wenn/if'), pisanju oglasa za izgubljeni predmet (vježbanje upotrebe pridjeva uz padeže), tvorbi zavisnih rečenica sa primjerima, upotrebi genitiva u rečenicama i kombinacijama sa prisvojim zamjenicama. Pored toga smo vježbali svakodnevnu komunikaciju i radili na projektima i prezentacijama za školu.



Koordinator radionica je bio Adin Midžić uz asistenciju lokalnih i EVS/ESC međunarodnih volontera.

## Radionice gitare

Učesnici su radili na pjesmama, etidama i kompozicijama kao što su: "Mary had a little lamb", "Kiša pada, trava raste", "Francuska dječija pjesma", "I remember you", "Killing me softly", Etide br.7,8,9,10,11 iz "20 pisama" (R. Dyens).



## Radionice sambe

Učesnici su nastavili rad na kompoziciji: "Mi smo i biti ćemo fini". Počeli su takođe raditi na dvije nove ideje. Radionicama su prisustvovala dva ESC volontera iz Velike Britanije i Turske, kao i dva nova člana.



## Međunarodni dan nulte diskriminacije

Dan nulte diskriminacije obilježava se kako bi se promovisalo svačije pravo, bez obzira na dob, spol, seksualnost, nacionalnost, etničku pripadnost, boju kože itd. Dan nulte diskriminacije ima za cilj podići glas za pravo na dostojanstven život, uprkos nečijim uvjerenjima, profesiji, obrazovanju ili invaliditetu.

Omladinska organizacija Svitač je prilagođenom metodom za rad sa našim učesnicima uzrasta 4-6 godina uradila radionicu na temu jednakost među ljudima. Na početku radionice smo razgovarali o jednakim pravima za sve, bez obzira na njihovu boju kože, porijeklo ili drugačije običaje. Na primjeru igračke od papira smo pokazali da svi učesnici mogu u isto vrijeme napraviti ovaj predmet, bez obzira ako neko ima veće ili manje ruke, ili ako je dječak ili djevojčica. Za kraj smo ostavili kreativni dio sa različitim oblicima paste. Napravili smo kombinaciju sa 4 vrste oblika paste i metodom mozaika kreirali sliku ribe i leptira. Na ovaj način smo ukazali na to da iako smo svi drugačiji, ipak svi zajedno činimo jednu cjelinu. Radionica je održana u prostorijama Omladinskog centra Brčko distrikt.

## Međunarodni dan žena

Generalna skupština UN-a 1977. proglasila je rezoluciju Dana Ujedinjenih nacija za prava žena i međunarodni mir.

Na našoj radionici razgovarali smo sa učesnicima na ovu temu. Oni su nam ispričali o svojim majkama, sestrama, tetkama i bakama. Neki od njih pomažu u kućnim poslovima, a drugi se trude da ne prave previše nereda.

Sa našim učesnicima smo za posebne žene u našem životu kreirali i izradili ručno napravljene čestitke koje su poklonili članovima svoje porodice. Zaiskrila je iskra kreativnosti s blistavim srcima, šarenim dizajnom, ručno izrađenim cvijećem i porukama poput "Sretan 8. mart" i "Volim te".

## Dan borbe protiv rasizma

Međunarodni dan borbe protiv rasne diskriminacije obilježava se svake godine 21. marta. Tog dana 1960. je policija otvorila vatru na ljude koji su prosvjedovali protiv sistema apartheida u Sharpsvilleu u Južnoj Africi. UN je 1966. godine odlučio da je ovo prikladan dan kako bi se pokazala solidarnost i protivljenje protiv rasizma u svim njegovim oblicima.

Omladinska organizacija Svitač je održala radionicu sa tinejdžerima i mladima. Potakli smo ih da podijele svoje stavove o dvije teme: lokalni problemi s rasizmom i lična iskustva diskriminacije.

Učesnici su imali zanimljivu i dinamičnu diskusiju koja se dotakla diskriminacije i lošeg tretmana migranata, kao i pitanja sa kojima se suočavaju Romi u našoj zajednici - slušali smo pjesmu mladih Romkinja iz Srbije i to je mladima takođe pomoglo u razumijevanju njihove situacije. Razgovarali smo i o diskriminaciji žena, studenata sa invaliditetom i nacionalnoj diskriminaciji.

Diskusiju su nastavili u manjim grupama, te su napravili postere na kojima su napisali i svoje mišljenje o tim pitanjima. Atmosfera na radionici je bila veoma dinamična; prilika za mlade ljude da se njihov glas čuje i da zajedno istraže različite vrste diskriminacije, ali i da pokažu aktivizam protiv rasizma! Ponosni smo što su mladi ljudi odvojili vrijeme da se uključe i istraže tako važno pitanje na načine koji su relevantni za njihova iskustva.

Za april se planira nastavak svih aktivnosti Omladinske organizacije Svitač.

## INFORMACIJE / DONATORI / POZIVI

### Poziv mladim poduzetnicima za učešće u evropskom programu „Erasmus za mlade poduzetnike“

Razmišljate o pokretanju svog biznisa ili ste ga pokrenuli u prethodne 3 godine?

- Dobro bi Vam došli savjeti i iskustva uspješnih evropskih preduzetnika kako biste unaprijedili Vašu poslovnu ideju ili biznis?
- Volite da putujete i želite da proširite mrežu svojih kontakata?

## Erasmus for Young Entrepreneurs

Ako je odgovor na ova pitanja „da“, prijavite se za učešće u programu prekogranične razmjene Evropske unije „Erasmus za mlade preduzetnike“ (Erasmus for Young Entrepreneurs - EYE), koji je aktivan u Bosni i Hercegovini. EYE daje priliku mladim preduzetnicima (i onima koji žele da to

postanu) da uče od iskusnih i uspješnih preduzetnika koji vode preduzeća u drugim zemljama. Program takođe daje priliku iskusnim preduzetnicima, koji vode svoj biznis duže od 3 godine, da ugoste mladog preduzetnika iz neke od evropskih zemalja.

Iskustva se razmjenjuju tokom boravka kod iskusnog preduzetnika, koji novom preduzetniku pomaže da stekne potrebne vještine za vođenje firme. Novi preduzetnici usvajaju i razmjenjuju znanje i poslovne ideje sa iskusnim preduzetnikom kod koga borave i sa kojim sarađuju u periodu od 1 do 6 mjeseci. Boravak im jednim dijelom finansira Evropska komisija.

Kao novom preduzetniku pruža Vam se prilika za edukaciju kroz posao u malom ili srednjem preduzeću u nekoj od evropskih zemalja članica Programa. Ovo će Vam olakšati pokretanje novog ili pak jačanje već postojećeg preduzeća. Pruža Vam se i pogodnost pristupa novim tržištima, međunarodne saradnje te potencijalne prilike za saradnju s inostranim partnerima.

Kao preduzetniku domaćinu pruža Vam se prilika da dobijete nove ideje koje u Vaše preduzeće donosi motivisani novi preduzetnik. Novi preduzetnik može imati posebne vještine ili znanja koja su u Vašem preduzeću potrebna, a koja se mogu odlično nadopunjavati sa Vašim vještinama ili znanjem. Većina preduzetnika domaćina se odlučuje da više puta, kroz više ciklusa, ugosti nove preduzetnike. Nove ideje i uspostavljeni kontakti stvaraju dugoročnu korist, a možda odlučite i nastaviti svoju poslovnu saradnju kao dugoročni poslovni partneri (npr. kroz zajedničke poduhvate, podizvođačke aktivnosti, u ulozi izvođača radova, itd.).

Više informacija o programu i načinu prijave je dostupno na veb-stranici [Erasmus for Young Entrepreneurs](http://Erasmus for Young Entrepreneurs), kao i u promotivnim materijalima:

- [EYE – najvažnije informacije](#)
- [EYE – za nove preduzetnike](#)
- [EYE – za preduzetnike domaćine](#)

Za učešće u programu kontaktirajte Edu – Agenciju za razvoj preduzeća putem mejla [eda@edabl.org](mailto:eda@edabl.org) ili telefona 051/300-241.



## Javni poziv vlade TK

Na web stranici Vlade Tuzlanskog kantona će uskoro biti objavljen javni poziv za sufinansiranje i finansiranje projekata omladinskih organizacija.

Link: <http://www.vladatk.kim.ba/javni-pozivi>

## Space4Youth!

Kancelarija Ujedinjenih nacija za pitanja Svemira, u saradnji sa Savjetodavnim vijećem generacije Svemira, upravo je pokrenula treće izdanje takmičenja [Space4Youth!](#)

Ovo takmičenje u esejima otvoreno je za sve studente i mlade stručnjake koji žele pokazati kako se svemirska znanost, tehnologija i njene primjene mogu iskoristiti za prilagođavanje i ublažavanje klimatskih promjena.

Rok je **26. april 2021.**

Takmičenje podržavaju SAD Stalna misija pri međunarodnim organizacijama u Beču i Svemirskoj agenciji Ujedinjenog Kraljevstva, a organizuje se u okviru All4Climate Italy 2021, programa koji Italija koordinira kao domaćin događaja Pre-COP26 i Summita Youth4Climate.

Između ostalih zanimljivih nagrada, pobjednici će prisustvovati svemirskom kampu u SAD-u: **U.S. Space & Rocket** centar u Alabami, SAD.

Više detalja dostupno je u [pozivu za eseje](#).

Ako imate bilo kakvih pitanja, ne ustručavajte se kontaktirati [space4youth@un.org](mailto:space4youth@un.org)

## Poziv Fondacije tuzlanske zajednice



Fondacija tuzlanske zajednice (u daljnjem tekstu: Fondacija) poziva omladinske organizacije i neformalne grupe mladih da predlože projekte koji će omogućiti mladima da se aktivno uključe u aktivnosti i kreiranje sadržaja za dobrobit zajednice i unapređenje položaja mladih u Tuzlanskom kantonu.

U partnerstvu sa USAID-om, u okviru programa „Snaga lokalnog“ Fondacija objavljuje Javni poziv za dodjelu finansijske podrške projektima mladih sa područja Tuzlanskog kantona.

**Podrška se realizuje kroz projekat "Naša zajednica je naša odgovornost" koji ima za cilj da osnaži lokalne organizacije i lokalne inicijative koje zblizavaju građane i podstiču ih na smooorganizovanje, participaciju i inkluzivnost u rješavanju konkretnih problema u svojim lokalnim zajednicama, naseljima, gradovima i cijeloj državi.**

Ukupna finansijska vrijednost izdvojena za podršku projektima mladih u ovom javnom pozivu iznosi 22.000,00 KM.

#### **CILJEVI FONDA**

- Osnaživanje kapaciteta mladih u svim sferama njihovog djelovanja
- Osnaživanje mladih na samostalno donošenje odluka i djelovanje u lokalnoj zajednici
- Osnažiti omladinski sektor kroz jačanje programskih i organizacionih kapaciteta omladinskih organizacija.

#### **KO MOŽE APLICIRATI?**

- Registrovana udruženja mladih sa područja Tuzlanskog kantona (Član 4, Zakon o mladima FBiH, stav 2);
- Neformalne grupe mladih od najmanje 3 člana sa područja Tuzlanskog kantona (Član 4, Stav 1)

**Ukoliko Vaša grupa ili udruženje želi da aplicira na Javni poziv, pozivamo Vas da u četvrtak 1. aprila 2021. godine sa početkom u 13 sati učestvujete u ZOOM događaju, u okviru kojeg će uposlenici Fondacije tuzlanske zajednice reći nešto više o samom Javnom pozivu te biti otvoreni za sva Vaša pitanja. Događaju možete pristupiti putem sljedećeg linka: <https://zoom.us/j/5522667891>**

## **Prestizna Terezijanska vojna akademija iz Austrije prima kandidate iz BiH**

Austrijska ambasada u BiH obavijestila je zainteresirane maturante da je otvoren konkurs za školovanje pet kadetkinja i kadeta na prestižnoj Terezijanskoj vojnoj akademiji Oružanih snaga Austrije za narednu školsku godinu.


"Drage maturantice i maturanti, da li želite da učestvujete u oficirskoj obuci na jednoj od najstarijih vojnih akademija na svijetu, da pritom naučite njemački i engleski jezik i učeći zajedno sa vašim austrijskim kolegicama i kolegama steknete zvanje Bachelor of Arts (BA) in Military Leadership", navode iz Ambasade, uz objašnjenje da je konkurs objavljen 31. marta, a otvoren je 15 dana.

Ured vojnog atašea Austrijske ambasade u Sarajevu poziva maturante da se raspitaju o ovom zajedničkom projektu Ministarstva odbrane BiH i Saveznog ministarstva odbrane Republike Austrije.

Na osnovu njega trenutno se u Austriji školuje 17 kadetkinja i kadeta Oružanih snaga BiH, a do sada školovali su se u četiri generacije.


Ambasada je objavila i fotografije, na kojima se dočarava mali dio njihove petogodišnje obuke.

## **„Podrška civilnom društvu u Bosni i Hercegovini“ – Tender Švicarske agencije za razvoj i saradnju SDC**

 <p>Schweizerische Eidgenossenschaft Confédération suisse Confederazione Svizzera Confederaziun svizra</p> <p><b>Swiss Agency for Development and Cooperation SDC</b></p>	<p>„Podrška civilnom društvu u Bosni i Hercegovini“ – Tender Švicarske agencije za razvoj i saradnju SDC</p> <p>Tender za implementaciju novog projekta za podršku civilnom društvu u Bosni i Hercegovini Švicarske agencije za razvoj i saradnju SDC objavljen je 25. marta 2021. godine.</p>
---	--

Tender je objavljen na platformi za javne nabavke Vlade Švicarske: <https://www.simap.ch/>. Da biste pristupili ovom tenderu, molimo vas koristite funkciju pretraživanja unošenjem broja obavijesti (Notice Number – 1184925) ili ID projekta (Project ID – 217782).

## UN Women BiH Objavljuje poziv za projektne prijedloge



UN Women BiH objavljuje poziv za projektne prijedloge za nevladine organizacije u oblasti borbe protiv nasilja nad ženama i nasilja u porodici, sa fokusom na ekonomsko osnaživanje preživjelih nasilja u porodici i nasilja nad ženama.

Prijave su otvorene do 22. aprila 2021

Više informacija [ovdje](#)



### Dragi prijatelji,

*Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.*

*Rok za dostavljanje informacija za svako naredno izdanje je 30-ti u mjesecu.*

*Adrese za slanje vaših informacija za mjesečni bilten:*

**Omladinski resursni centar Tuzla**  
**Hadži Bakirbega Tuzlića 1**  
**75000 Tuzla**  
**tel/fax: 035 258 077**  
**e-mail: [orcuzla@bih.net.ba](mailto:orcuzla@bih.net.ba)**

*Mjesečni bilten uređuje*  
*Omladinski resursni centar -*  
*ORC Tuzla*

*Urednik Biltena:*

**Mirela Biković**

*Prevod Biltena na*  
*engleski: Adnan Karamujić*

*WEB stranica Mreže:*  
**[www.omladina-bih.net](http://www.omladina-bih.net)**

*Mejling lista Mreže:*  
**[posta@omladina-bih.net](mailto:posta@omladina-bih.net)**

*Webmaster:*  
**[emir.delalic@gmail.com](mailto:emir.delalic@gmail.com)**